

徐文定公集

全一冊

卷之五

丙申中秋節

徐文定公集

三行主將本卓齋甫

光緒二十二年九月

江南主教倪准

上海慈母堂印

徐文定公與
和子陽實後
道圖



范園
陳下讀書山
蘇大書山



徐文定公集序

聖教昉行一國。率有聖哲挺生。以非常之才。立德功言三者。彪炳一世。或又行起死肉骨。不藥療病等異。耀人目。警人心。風動四民。於是所言必信。有感斯孚。過化存神。教澤深遠。父傳之子。子傳之孫。雖遇艱難困厄。而信志堅貞。歷千百年不變。如班有聖雅各而俗美。法有聖勒米而化行。印度有聖方濟而崇正。皆明証也。我中國聖教盛行。猶在元代。其時有和德理者。亦聖賢中一人。宣訓燕京。都士向慕。後以遄返西邦。未獲卒業。論者惜之。明季利子瑪竇。航海來華。上海徐文定公與之友善。聞其教。首先崇奉。用其不世之才。力爲推廣。撰

論說。譯經書。陳奏朝廷。闡揚大義。教之所以行。文定之功居多。迄今垂三百載。傳二十餘省。溯厥源流。詎容忘本。然延至今日。知公者其誰。每一念及。良用喟然。丙申春。高司鐸鎬鼎。以法文著傳教誌。錄文定事頗詳。皆宗古西人函牘。蒙讀而悅之。擬譯華語。爰請文定公哲裔。出家乘諸本。又涉獵教中書。暨明史。疇人傳等。摭其要。合於西士所載。都爲一編。惜公之德。百不知一。而公之文散遺殆盡。僅得像贊三。原道一行。述四。序與書各二。外有奏稿若干。多論火器歷法。於以見西學東來。自教士始也。嗚呼。公誠偉人哉。文名蓋當世。功業留簡編。尤能信奉真教。簪笏立朝。絕不隱諱。若今之稍識之無。

從事帖括。輒詆毀我教。刺刺不休者。何其不自量歟。蒙一介庸流。行無足算。曷敢與文士抗衡。惟願其一去成見。細審眞教原委。而見善力行。則彼之福。卽蒙之望也。

光緒丙申秋南沙問漁李杕識

次縣丙申縣南過則此亭於縣

縣里委而良善式并限於之縣南蒙之室也

縣南并無以製器好與文士并書新觀其言去以良縣南

發事此縣南好與文士并書新觀其言去以良縣南

凡例

一是書從明史。疇人傳。上海縣志。徐氏宗譜。勝國西教士函牘。編次輯譯而成。事事率真。無稍穿鑿。閱者可據爲信史焉。

一文定公服官明代。依時言事。奏疏中未免有冒瀆國朝字樣。是書謹爲改易。用明崇敬

聖清至意。

一明季海禁未弛。西商不得入內地。邦交約款。悉未舉行。其時稱西人多用夷字。文定因之。書中一一刪除。以免觸忌。

一文定公一生翰墨。充棟汗牛。歿後。文孫容菴先生編校遺

一文已嘆散佚殆盡。博訪窮搜。祇得什一。迄今垂三百載。兵燹頻仍。流離數四。如碩果之僅存者。百不一二。是書收錄之。以留公之遺蹟云。不特人內此。其交際煥然。悉未舉其

聖帝王意

國際字。蘇景書。蘇為。如是。則。樂。嫌。

一文。家。公。照。官。則。升。外。和。言。事。奏。藏。中。未。及。其。冒。竄。

無

觀。祿。大。帥。霸。而。如。事。事。率。其。無。辭。妄。鑒。問。答。可。觀。其。言。史。

一。景。舊。發。問。史。觀。人。壽。土。壽。經。志。翁。升。宗。譜。觀。圖。西。傳。士。函。

凡。四。

徐文定公年譜

萬歷丁酉順天鄉試中式第一名。甲辰進士。觀都察院政。本年六月改翰林院庶吉士。丁未四月授翰林院檢討。以覃恩得封父母如公官。本年丁外艱。回籍守制。庚戌十一月服闋復除原職。辛亥四月教習內書堂。壬子充纂修官。癸丑充同考官。本年八月以疾請假。出於津門。欲興西北水利。爲國家立根本之計。又歲省東南輓漕百萬之費。丙辰疾痊。五月復除原職。丁巳正月。陞左春坊左贊善。本年六月奉命冊封慶府。四月援例繳節。以疾乞休。復出於津門。適邊警戒嚴。奉有依期到任之旨。本年閏四月入都。陳言兵事。己未三月充廷

試掌卷官。六月請監護朝鮮。奉旨留用。九月陞詹事府少詹事。兼河南道監察御史。奉勅以巡撫體統行事。管理通昌等處練軍事務。防禦都城。辛酉二月。回府協理府事。本月告病。仍駐津門。四月吏部題爲緊急軍務等事。中途奉旨回京。八月以光宗登極覃恩。予新銜誥命得贈父母如公官。九月請告。復寓津門。部署墾闢水田諸事而歸。癸亥十月。陞禮部右侍郎。纂修神宗實錄副總裁。未任。乙丑五月。以魏璫私人智鋌論劾。奉旨冠帶閒住。崇禎戊辰二月。奉先皇帝特旨。以原官起用。七月入朝。八月充日講官。本月充經筵講官。九月以登極覃恩。予三代誥命。廕一子入監讀書。十二月充纂修熹

宗實錄副總裁。本月日講叙勞。加太子賓客。己巳陞左侍郎。回部管事。本年七月奉勅修正歷法。十一月奉旨協理城中巡視內外十六門火器。庚午三月。以三品考滿。予三代誥命。六月陞禮部尚書。兼翰林院學士。協理院事。九月以城守叙勞。欽賜白金文綺。十二月神宗實錄告成。加從一品俸。辛未三月。充廷試讀卷官。六月充考庶吉士閱卷官。十月授資善大夫。壬申三月陵工告成。頒賜銀三十兩。五月特旨簡用。以禮部尚書兼東閣大學士。入閣參預機務。知制誥。充纂修熹宗實錄總裁官。玉牒提調。八月奉勅同知經筵事。十二月。以皇三子命名。頒賜銀十五兩。癸酉元旦。頒賜銀三十兩。七月

二品考滿。陞太子太保禮部尙書兼文淵閣大學士。奉旨照新銜給予四代誥命。廕一子中書舍人。特遣御前牌子李添祥齎賜寶鈔羊酒。八月因病告假。特遣御前牌子趙進問安。并賜猪羊米酒醬瓜茄蔬。本月恭視寫篆進封貴妃冊印。頒賜白金文綺有差。九月因病久不愈。上疏乞休。奉旨慰留。本月以冊封貴妃禮成。頒賜紵羅銀鈔。本月特遣御前牌子壬忠直入臥內。宣諭問安。并賜牲醴米菜如初。本月皇四子命名。頒賜白金如初。十月初七日終於位。內閣以訃聞。上爲震悼。輟視朝一日。特遣文書官卞希孔齎賜白金表裡燭帛香油白米柴炭。以給喪事。尋賜祭九壇。加祭二壇。贈少保諡文。

定。廕一子中書舍人。特遣太子少保禮部尙書李康先行開喪。諭祭禮。遣行人張元始護送。馳驛回鄉。遣中書夏儀給水衡錢治葬事。抵家而歿。復給行人陳慧業董其成。又命本府知府方岳貢。在家行七七。期年再期下葬。諭祭禮。癸未六月。孫男爾斗。以葬畢謝恩。并進公農政全書。奉旨有忠謨久驗。朕深追念不忘之褒。加贈太保。廕一子中書舍人。